



## **Universitätsbibliothek Paderborn**

### **Asiaticae Historiae Societatis Iesv Pars ...**

Libris Qvatvor Conseqventibvs Pertexens, Quae post beatum S. Xauerij  
Obitum Soc. Patres ad Dei gloriam in iisdem Prouinciis gessere

**Bartoli, Daniello**

**Lvgdvni, 1667**

37. P. Villelæ solertia in propag fide.

**urn:nbn:de:hbz:466:1-11445**

Almeidae & continuus labor, tunc verò potissimum bello omnia occupante; agebat cum Christianis aliquot in montis vertice, absque lecto & tecto, & cibo; saxis loco strati ad somnum; ad cibum pugillo siccarum herbarum, & aqua pura vtens; languidus, exsiccus, cadaueri propior quam viuenti, quare illum reuehi Cocinozum mandauit Turrianus, Regem multum inuitò, & Regina, quibus vel sic ægrotum, & inutilem virtibus, iucundum fuisset, amica vi, & benevolo imperio secum detinere, nisi proximam illi ex eo mortem timuissent. Neque tamen ab se sustinuerunt amittere, nisi reditus sui data fide, aut alterius suo loco, quorum interea velut obses Laurentius in Goto remansit, fuere prima hæc Gotensis Christianitatis fundamenta, cuius postmodum felices progressus gloriosam stylo materiam suggesterent. Nunc interiora Iaponiæ subcamus, reuisamusque Meaci regnum, vbi pridem Villelam summos inter labores, & pericula videramus.

Solus in tam multis, & vastis Provinciis Villela recentes fundans, & fundatas augens Ecclesiæ, nec vitæ poterat nec valetudini parcere, quamquam immensis frigoribus perferendis, itineribus assiduis, concionando, disputando, scribendis libris adeò exesæ, ut annorum licet quadraginta incanuisset totus velut decrepitus, accedebant in illum Bonziorum effera odia, hoc saltem agentium ut Meaco exterminaretur, sed virtute illius, omnes illorum difflante calumnias, putarunt se auro victuros, quod criminationibus nequibant, aureorum mille clandestino munere conducunt virum primarium, æquitatis eius emendæ pretio, & euiciendi Villelæ, sancte grandi, si avaritiam attendas Bonziorum; ad hunc pro ratione officij, spectabat illorum defensio, & pro intimæ apud Cubosamam favore gratiæ, non dubitabatur impetraturus Patris exilium; sed quamvis Ethnicus, at mentis (ut Ethnicus) integræ, auream illam escam suspensi oculo adspexit donec reum Villelam comperisset; ad hoc venit ipsemet hominem auditurus, & Dei beneficio contigit ut iudex auditorum ingressus, exiret ex eo discipulus, descendit in eius anfum tam altè, dicentis oratio, ut secundò, & tertio, & toties rediret, quoad nocte errorum discussa penitus, expugnaretur splendore veritatis, factusque Christianus de Bonziorum patrono, eorum acer euaderet insector. Nec ab ore scelesti reformidabant Villelæ præsentiam Meaci Christum in procerum domos non modo induxerat, sed in Regiam ipsam in qua multis certebat, & claros genere, eius nominis cultores, Imori, quæ Cauaci Regni Sacario contermini arx est inexpugnabilis, constituerat Ecclesiam, esto multitudine angustam, sed sanctimonia illustrem; Naræ item, & Toci, & Sauæ locisq; aliis, vixque multis à Meaco leucus cernebatur pagus in quo Christi fides, Villelæ consita & rigata manu non floreret: sed mirum quantum ad illius famam, incrementum, & securitatem accederet ex Baptismo vitorum Principum, & Sanguinis Regij quorum erat in aula potens auctoritas, & munus, in quibus eminent singulari dignus obseruantia posterorum clarissimus iuuenis, Ministro imperij, Mioxindono eidemque Caua-

37.  
P. Villela  
folertia in  
propag fidei.

CCC      ci



ci Regi à Secretis, prorsus candidior, & innocentior in deo inesse non potuit homini ad hoc ætatis ethnicè viuenti, ast ubi Dei notitia, & obsequio imbutus est, iam non natum modo arbitratere inter Christianos, sed in ecclesiis religiosè sancteque educatū. Notabilior in eo natus ingenium proclive in scrupulos, & conscientiae sensus subtilior, ex quo sapientius ad millaria triginta Confessarium adibat: pane vero cœlesti, nunquam refici attentatset nisi noctem in ædibus Villelae orando, & mactando corpore duxisset, sed cum sacræ primum mensæ accubuit, ad eam se sponte, cruda, & publica suimet verberatione expiavit. Tam procul vero ab omni amore præterquam Dei vnius absfuit; vt cum posset montes congerere aureos, ex compendiis secretorum, quibus luci magis ante illum quam æquijamantes creuerant; præter arctum è domini Fisco stipendum, nihil quicquam attigerit, suorum potius in pauperes largus, non tam abundauit quam eguit, vna apud Deum gratia diues, & contentus, demum præseminandæ quam hauserat Christi lucis studiosissimus amulator, vita quoque sua periculo, in multis illam fudit. Præter hunc & ei consimiles, Christianorum inter quos agebant patronos, & Ecclesiæ columnæ, in iis Villela septem viros ut olim Firandi ubique statuerat magno probitatis, maturitatis, & sanctimoniaz delectu, quasi publici Rectores, horum fuit, coetus fidelium condicōs cogere, ad auditionem piaæ lectionis; visere ægrotantes, publicam liberalitatem in egentes partiti; in nosocomium ministraturos leprosis ducere; religionem denique ceterasque ad illam pace belloque fortiter afferendam necessarias virtutes in omnibus promouere, eius præterea inuentum extitit incomparabile, exercitatio adolescentium viuacis ingenij & acuti ad varias disputationes, in quibus alter Christiani personam, alter Ethnici sustineret; cumque in varias scindatur hæreses superstitionum Iaponum, quæ omnes à vero diuersis principiis pariter aberrant, singulis singulas tradebat propugnandas, opponebatque iis parem impugnantium numerum, qui errores cuiusque hæreseos, distincte confutaret, conuinceretque falsi eorum defensorem; postrem satisfaceret argumentis, & dubiis quæ de fidei placitis, idem aduersarius mouere voluisse, quæ gymnasij forma, præterquam quod carebat tædio, Christianam rem bono dupli augebat; nam adolescentes disciplina illa fingebat primum ad magisterium docendi, parabatque ad certam victoriam de quacunque secta cum Bonziis disputatione incidisset; deinde Ethnicos faciebat suæ ignorantiae conscos, tūm in iis quæ falso de suis Religionibus somniabant, tūm in veris quæ de Christi fide non intelligebant, harum quæstionum volumen Villela, magno ab se labore compositum, manuque propria, & idiomate aulico descriptum vulgauit tota Iaponia, cui magna ex parte lucubrationi, Regis Omuræ Xumitandæ, conversionem deberi antea dictum est, scripsit alios item libros asceticæ ad piorum eruditionem; editos alios in Europa, Iaponicè reddidit, in quibus maximè utilem de Sanctorum vita historiam.

E:



Et poterant quidem hi fructus operæ, laborum solari tædia, quos  
Meaci obibat Villela, nisi solitudo vīsa illi foret intolerabilis, non quod  
ipse optaret, in quem ærumnas, & merita partiretur, sed quod sextum  
iam annum careret Sacerdote qui confitenti aures daret, quamobrem vr-  
genti s̄epius, assensit tandem Turrianus, & P. Ludouicum Froes, F. Al-  
meida socio ad illum destinauit, Froem cum illo permansurum; Almei-  
dam inspecto, & cognito Christianitatis illius statu reuersurum, longum  
fuit iis iter, & difficultatibus infestum, nam usque à Firando Funium,  
prope omnes lustrauit oræ maritimæ Christianos, & atrox illic hiems  
ancipitem fecerat, & lētam nauigationem: à die Nouembri decimo an-  
ni 1564. terra, marique diu iactati, ad vigesimum septimum Ianuarij sub-  
sequentis, Sacaium subierant, vbi breui moratum Almeidam lethalis  
afflxit valetudo ex qua illum haud tam remedia imbecilla, & pauca, quām  
Christianorum illorum sanctæ preces & curatio sedula restituere sanita-  
ti, peragratiss inde tractus illius Christianis, quarto post mense cursum  
flexit; Gotique, quod dictum superiùs, insulas appulit, Christianæ do-  
ctrinæ appetentissimas, Froes Meacum prope miraculo peruenit; Oz-  
achæ Sacaium & Meacum inter, tantum non ab Ethniciis occisus. Pridie  
quām is Ozacham intraret, qui anno 1565. in Febr. Calendas incidit,  
nouum Iapones inibant annum, quem Lunæ cursu meritiuitur, solentque  
lege inuiolabili, viri Principes in aulam vndique conuenire tam sacri  
quām laici, & Regem muneribus venerari, pannis sericis quidam, non-  
nulli, attalicis, armis pretio & forma insignibus, & quibus cuique maxi-  
mè cordi est. Minus opulentii flabellū inauratum, vel quaterniones decem  
cartæ, quām Iapones & Sinae ex arundinis conterunt medulla velut Gof-  
sipina, subtilissimam, nec rumpi facilem, tamen adeo amplam, ut eius fo-  
lia viderimus instar lecticarij lintei, luduntque in ea tingenda, colore uno  
vel pluribus; & solo s̄epe viuido roseo, styli, & scripturæ capaci: Maie-  
state porrò Cubosamæ admittentis hæc suorum dona, fastuosior nulla  
est; præter proceres magnos accessus ad illum tunc patet nemini, quamuis  
aureum orbem dono ferat, sedet ampla in aula, natiua ex cedro, pannis  
aureis vestita, gummitione exquisita circumlita velut ex Sandaracino di-  
luto, & attalicis instrata operis elegantis, in quibus mirè excellunt Iapo-  
nes: illie tanquam alter in terris Deus munera excepit oblata; responso,  
aut verbo dignatur neminem; si cui libuerit præter morem fauere, hunc  
respicit, & flabellum quod tenet, in eum modicè inclinat, præterea nihil  
Villela quoque aulicorum fauor præbebat ad illum aditum anni cuiusque  
Luna prima; s̄istebat se illi modo in linea castula, & stola; modo alio  
cultu, & (quod Imperatoria maiestas, Christianaque poscebat dignitas)  
semper venerabili & spectando. Eam ob rem, & Froem salutandum, ex  
arce Imori Meacum se contulit; Inducuntur ambo ad Cubosamam à se.  
Eturæ mensariæ Præfecto; appetet nigra in veste Froes, sed decenti, &  
gravi; ornato Villela magis extraneo, superindutus apertam anterius  
chlamydem laxioribus distentam manicis, coloratis subsutam, visendam

38.  
P. Lud. Froes  
Meacum ve-  
nit Cubosa-  
mam Imper.  
adit.

Ccc 2 nouitate

